


大毘婆沙論

才七十六

三百七十九  
廉六

50504



阿毗達磨大毗婆沙論卷第百三十六 廉

五百大阿羅漢等造 三藏法師 玄奘奉 詔譯

結蘊第二中十門納息第四之六

復有二法謂有對無對法問何故作此論答  
為欲遮遣補特伽羅及為顯示智殊勝故為  
欲遮遣補特伽羅者謂顯惟有有對無對法  
畢竟無實補特伽羅及為顯示智殊勝者謂  
有聰慧殊勝智者由此二法通達一切此二  
徧攝一切法故復次為止他宗顯正理故謂  
或有執若與對俱說名有對不與對俱說名  
無對若作是說五識身等名為有對所依所  
緣俱對礙故或復有執若與瞋俱說名有對



不與瞋俱說名無對若作是說瞋相應品心  
心所法說名有對為止彼意顯有礙色說名  
有對此所餘法說名無對由此三緣故作斯  
論問有對法云何荅十處謂五內色處及五  
外色處問無對法云何荅二處謂意處及法  
處問有對無對是何義耶荅諸極微積聚是  
有對義非極微積聚是無對義復次諸可分  
析是有對義不可分析是無對義復次諸可  
積集是有對義不可積集是無對義復次諸  
有障礙是有對義若無障礙是無對義復次  
諸有形質是有對義若無形質是無對義復  
次若能容受及能障礙是有對義若不能容

受及不能障礙是無對義。脇尊者言：若可分  
析則可積集。若可積集則有障礙。若有障礙  
則有形質。若有形質則能容受及能障礙。若  
能容受及能障礙是有對義。與上相違。是無  
對義。尊者世友作如是說：有細分相有障礙  
相是有對相。無細分相無障礙相是無對相。  
大德說：白若能容受及能障礙相是有對相。  
若不能容受及不能障礙是無對相。尊者妙  
音作如是說：若可施設極微積聚性顯色長  
短性隨生音響性者是有對相。與此相違是  
無對相。此中極微積聚性者說八處顯色長  
短性者說色處隨生音響性者說聲處尊者

世友作如是說極微雜合積集任相是有對  
相與此相違是無對相尊者覺天作如是說  
能據處所展轉相礙是有對相與此相違是  
無對相

應知有對揔有三種一障礙有對二境界有  
對三所緣有對障礙有對者如以手擊手以  
手擊石以石擊石以石擊手以杵擊鍾此等  
展轉更相障礙如是名為障礙有對境界有  
對者如眼根等諸有境法各於自境界有所  
拘礙如是名為境界有對所緣有對者如心  
心所有所緣法各於自所緣有所拘礙如是  
名為所緣有對如是三種有對法中此中但

說障礙有對問障礙有對十色處中幾處展  
轉有相礙義有作是說惟有觸處有相礙義  
餘十一處無相礙義非所觸故或有說者惟  
有五處有相礙義謂內處中惟有身處若外  
處中色香味觸彼作是說若以手擊手即以  
五擊五若以手擊石即以五擊四若以石擊  
石即以四擊四若以石擊手即以四擊五若  
以杵擊鐘亦以四擊四復有說者惟有九處  
有相礙義十色處中惟除聲處若不介者有  
以手等擊眼處等時應不生苦評曰應作是  
說十種色處皆有礙義若聲處無礙者此應  
無積聚義又不應名障礙有對施設論說眼

定對色色定對眼廣說乃至意定對法法定  
對意彼師但依境界有對而造彼論故作是  
說或有眼於水有礙於陸無礙如魚等眼或  
有眼於陸有礙於水無礙如人等眼或有眼  
於水於陸二俱有礙如水邏刹婆捕魚人等  
眼或有眼於水於陸二俱無礙謂除前相即  
被翳眼或有眼於夜有礙於晝無礙如鴝鵒  
等眼或有眼於晝有礙於夜無礙如人等眼  
或有眼於晝於夜二俱有礙如馬鹿猫狸等  
眼或有眼於晝於夜二俱無礙謂除前相即  
被翳眼此中有礙者謂境界有對  
復有二法謂有漏無漏法問何故作此論答



爲欲遮遣補特伽羅及爲顯示智殊勝故爲  
欲遮遣補特伽羅者謂顯惟有有漏無漏法  
畢竟無實補特伽羅及爲顯示智殊勝者謂  
有聰慧殊勝智者由此二法通達一切此二  
徧攝一切法故復次爲止他宗顯正理故謂  
或有衆執佛身無漏如大衆部問彼何故作  
此執荅依契經故如契經說苾芻當知如來  
生在世間長在世間出世間住不爲世法之  
所染汚彼作是說旣言如來出世間住不爲  
世法之所染汚由此故知佛身無漏爲止彼  
意顯佛生身唯是有漏若佛生身是無漏者  
便違契經如契經說無明所覆愛結所縛愚

夫智者咸有識身世尊亦是智者所攝身定  
應是無明愛果是故佛身定應有漏又若佛  
身是無漏者無比女人不應於佛生身起愛  
指鬘於佛不應生瞋諸憍傲者不應生慢鄔  
盧頻螺迦葉波等不應生癡於佛生身既有  
發起貪瞋癡慢故无佛身定非無漏問若佛  
生身是有漏者云何通彼所引契經答彼說  
法身故不成證謂彼經說如來生在世間長  
在世間者說佛生身出世間住不爲世法所  
染汚者說佛法身復次依佛不隨世法轉義  
說彼契經故無有失謂世八法隨世間轉世  
間亦隨世八法轉雖世八法隨世尊轉而佛

不隨世八法轉復次依佛解脫世八法義說  
彼契經故無有失問佛亦曾遇此世八法如  
何說佛解脫此耶謂一日中勇猛長者曾奉  
施佛三百千衣諸如是等名佛遇利佛入娑  
羅婆羅門邑乞食不得空盃而還諸如是等  
名佛遇衰佛於生時名譽上至他化自在得  
菩提時名譽上至色究竟天轉法輪時名譽  
上至大梵王宮諸如是等名佛遇譽佛為旃  
遮婆羅門女孫陁利女惡心毀謗惡名流布  
十六大國諸如是等名佛遇毀佛為跋羅墮  
闍梵志以五百頌現前譏罵諸如是等名佛  
遇譏即此梵志須臾迴此五百頌言現前讚

佛如是論力及鄔波離以妙伽他現前讚佛  
尊者舍利子以衆多頌現前讚佛無上功德  
尊者阿難陀以衆多頌現前讚佛希有妙法  
諸如是等名佛遇稱佛有輕安及勝受樂一  
切有情所不能及名佛遇樂佛有頭痛背痛  
腹痛及有傷足出血等事名佛遇苦既有此  
事如何解脫荅雖遇此事而不生染故說世  
尊於此解脫謂佛雖遇利等四法而心不生  
高歡喜愛又佛雖遇衰等四法而心不生下  
感憂恚如妙高山據金輪上八方猛風不能  
傾動世尊亦尔住戒金輪此世八法所不能  
動是故名爲於此解脫解脫此故說爲不染

非謂生身亦是無漏然佛生身從漏生故說  
為有漏能生他漏故名有漏是故為止他宗  
所說及顯已宗無顛倒理并前二緣故作斯  
論問有漏法云何答十處二處少分謂意處  
法處少分問無漏法云何答二處少分謂即  
意處法處少分問有漏無漏其義云何答若  
法能長養諸有攝益諸有任持諸有是有漏  
義與此相違是無漏義復次若法能令諸有  
相續生老病死流轉不絕是有漏義與此相  
違是無漏義復次若法是趣苦集行及是趣  
諸有世間生老病死行是有漏義與此相違  
是無漏義復次若法是有身見事苦集諦攝

是有漏義與此相違。是無漏義。復次。若法能令諸漏增長。是有漏義。若法能令諸漏損減。是無漏義。尊者世友作如是說。有漏相者。從漏生相。是有漏相。能生漏相。是有漏相。無漏相者。與此相違。大德說曰。若離此事。諸漏不有。應知此事。是有漏相。若離此事。諸漏得有。應知此事。是無漏相。尊者覺天作如是說。若法。是漏生長依處。是有漏相。與此相違。是無漏相。

復有二法。謂有為無為。法問何故作此論。答。為欲遮遣補特伽羅。及為顯示智殊勝。故為欲遮遣補特伽羅者。謂顯惟有有為無為法。

畢竟無實補特伽羅故及為顯示智殊勝者  
謂有聰慧智殊勝者由此二法通達一切此  
二徧攝一切法故復次為止他宗顯正理故  
謂或有執有對法是有為無對法は無為或  
復有執有漏法是有為無漏法は無為為上  
彼意顯無對法及無漏法俱通有為無為也  
此三緣故作斯論問有為法云何答十一處  
一處少分謂法處少分問無為法云何答一  
處少分謂法處少分問有為無為是何等義  
答若法有生有滅有因有果得有為相是有  
為義若法無生無滅無因無果得無為相是  
無為義復次若法依屬因緣和合作用是有

爲義若法不依屬因緣和合作用是無爲義  
復次若法爲生所起爲老所衰爲無常所滅  
是有爲義與此相違是無爲義復次若法流  
轉於世能取果有作用分別所緣是有爲義  
與此相違是無爲義復次若法墮世墮蘊與  
苦相續前後變易有下中上是有爲義與此  
相違是無爲義尊者世友作如是說何等有  
爲相謂墮世相墮蘊相是有爲相何等無爲  
相謂不墮世相不墮蘊相是無爲相大德說  
曰若法由有情加行而有聚散是有爲相若  
法由有情加行而無聚散是無爲相尊者覺  
天作如是說若法由因緣作是有爲相若法



不由因緣作是無為相尊者妙音作如是說  
若法與有為相合是有為相若法不與有為  
相合是無為相

有三法謂過去未來現在法問何故作此論  
荅為止他宗顯正理故謂或有執世與行異  
如譬喻者分別論師彼作是說世體是常行  
體無常行行世時如器中果從此器出轉入  
彼器亦如多人從此舍出轉入彼舍諸行亦  
尔從未來世入現在世從現在世入過去世  
為止彼意顯世與行體無差別謂世即行行  
即是世故大種蘊作如是說世名何法謂此  
增語所顯諸行復有愚於三世自性謂撥無

過去未來執現在是無爲法爲止彼意顯過  
去未來體相實有及顯現在是有爲法所以  
者何若過去未來非實有者應無成就及不  
成就如第二頭第三手第六蘊第十三處第  
十九界無有成就及不成就過去未來法亦  
應尠既有成就及不成就故知實有過去未  
來又應詰彼撥無過去未來體者若有異熟  
因在現在在世時彼所得果當言在何世過去  
耶未來耶現在耶若言在過去應說有過去  
若言在未來應說有未來若言在現在應說  
異熟因果同時如是便違伽他所說  
作惡不即受 非如乳成酪 猶灰覆火上

愚蹈久方燒

若言彼果不在三世彼應無果以異熟果非  
無爲故若無果者因亦應無如第二頭第三  
手等若有異熟果在現在世時彼所酬因當  
言在何世過去耶未來耶現在耶若言在過  
去應說有過去若言在未來應說有未來若  
言在現在應說異熟因果同時如是便違前  
所引頌若言彼因不在三世彼應無因以異  
熟因非無爲故若無因者果亦應無如第二  
頭第三手等復次若過去未來非實有者應  
無出家受具戒義如有頌言  
若執無過去 應無過去佛 若無過去佛

無出家受具

復次若過去未來非實有者應出家衆皆有  
正知而虛誑語如有頌言

若執無過去而言歲少多

彼應日日增

正知虛誑語

復次若過去未來非實有者彼現在世應亦

是無觀過去未來施設現在故若無三世便  
無有為若無有為亦無無為觀有為法立無  
為故若無有為無為應無一切法若無一切  
法應無解脫出離涅槃如是便成大邪見者  
勿有斯過故知實有過去未來又現在世非  
無為法因緣生故有作用故無為不尔如是

爲遮他宗所說及顯正理故作斯論。  
問過去法去何答五蘊十二處十八界各一  
分問未來法去何答五蘊十二處十八界各  
一分問現在法云何答五蘊十二處十八界  
各一分問如是三世以何爲自性答以一切  
有爲法爲自性如說自性我物自體相分本  
性應知亦已說自性所以今當說問何故  
名世世是何義答行義是世義問諸行無來  
無去云何行義是世義所以者何諸行若來  
不應有去來相合故諸行若去不應有來去  
相合故復次諸行若來則來處應空缺諸行  
若去則去處應盈礙是故尊者世友說言諸

行無來亦無有去。利那性故。住義亦無諸行。既無來去等相。如何立有三世差別。答以作用故立三世別。即依此理說有行義。謂有爲法未有作用。名未來正有作用。名現在作用已滅。名過去復次色未變礙。名未來正有變礙。名現在變礙已滅。名過去受未領納。名未來正能領納。名現在領納已滅。名過去想未取相。名未來正能取相。名現在取相已滅。名過去行未造作。名未來正有造作。名現在造作已滅。名過去識未了別。名未來正能了別。名現在了別已滅。名過去復次眼未見色。名未來正能見色。名現在見色已滅。名過去廣

說乃至意未了法名未來正能了法名現在  
了法已滅名過去問現在眼等若彼同分無  
見等用應非現在答彼雖無有見等作用而  
決定有取果作用是未來法同類因故諸有  
為法在現在時皆能為因取等流果此取果  
用徧現在法無雜亂故依之建立過去未來  
現在差別復次諸有為法三有為相未已作  
用名未來一已作用二正作用名現在三已  
作用名過去復次諸有為法未有四緣作用  
名未來正有四緣作用名現在四緣作用已  
滅名過去復次諸有為法未有六因作用名  
未來正有六因作用名現在六因作用已滅

名過去復次諸有為法未取未與士用果名  
未來正取正與士用果名現在取與士用果  
名滅名過去復次諸有為法未取未與等流  
果名未來正取或與等流果名現在取或與  
等流果已滅名過去復次不善善有漏法未  
取未與異熟果名未來正取未與異熟果名  
現在取異熟果已滅名過去復次諸有為法  
未酬相應俱有因名未來正酬相應俱有因  
名現在酬相應俱有因已滅名過去復次諸  
有為法未已酬同類徧行因名未來已酬未  
滅名現在已酬已滅名過去復次異熟無記  
法未已酬異熟因名未來已酬未滅名現在



已酬已滅名過去復次諸有爲法未已起滅  
名未來已起未已滅名現在已起已滅名過  
去復次諸有爲法未已起壞名未來已起未  
已壞名現在已起已壞名過去復次諸有爲  
法未已起離名未來已起未已離名現在已  
起已離名過去如起對滅壞離生對滅壞離  
亦亦然契經中未來亦說已生等者依彼種  
類故作是說如說有法已生已有已作有爲  
有所作緣已生有盡法有費法有離法有滅  
法有壞法欲令不壞無有是處此中已生者  
惟說生所生法已有者顯有自性已作者顯  
有過患有爲者顯有造作有所作者顯業有

果緣已生者顯因緣合有盡費離滅壞法者  
顯定當有欲令不壞無有是處者顯不自在  
復次諸有爲法在二世前名過去在二世後  
名未來在二世中名現在復次諸有爲法爲  
三世因名過去爲二世因名現在爲一世因  
名未來復次諸有爲法是三世果名未來是  
二世果名現在是一世果名過去復次諸有  
爲法觀過去現在故施設未來不觀未來故  
施設未來無第四世故觀未來現在故施設  
過去不觀過去故施設過去無第四世故觀  
過去未來故施設現在不觀現在故施設現  
在無第四世故如是名爲三世差別依此建

立諸行行義由此行義世義得成

問諸有爲法未來生時爲已生而生爲未已  
生而生設亦何失二俱有過所以者何若已  
生而生者云何諸行非轉還耶若未已生而  
生者云何諸行非本無而有耶荅應作是說  
有因緣故已生而生謂一切法已有自性本  
來各住自體相故已有體故說名已生非從  
因緣已生自體因緣和合起故名生有因緣  
故未已生而生謂未來法名未已生有從因  
緣正得生故問諸有爲法未來生時爲已有  
故而生爲未已有故而生設亦何失二俱有  
過所以者何若已生而有故而生者自體已有復

何用生若未已有故而生者應一切法本無  
今有說一切有應不得成答應作是說已有  
而生問若尔善通設所後難前所設難當云  
何通答體雖已有而無作用今遇因緣而生  
作用問作用與體為一為異答不可定說為  
一為異如有漏法一一體上有無常等衆多  
義相不可定說為一為異此亦如是故不應  
責問為此法生即此法滅為餘法生餘法滅  
耶設尔何失二俱有過所以者何若此法生  
即此法滅者應未來生即未來滅若餘法生  
餘法滅者應色等生即未來滅若餘法生餘法  
滅者應色等大餘受等滅答應作是說有因緣

故說此法生即此法滅謂色蘊生即色蘊滅乃  
至識蘊生即識蘊滅有因緣故說餘法生餘  
法滅謂未來世生現在世滅問諸有為法未  
來生時為世體生為世中生設亦何失二俱  
有過所以者何若世體生者一法生時應未  
來世一切法生此既生已應無未來此復已  
滅應無現在便壞三世一切有義若世中生  
者云何諸行非異世耶荅應作是說有因緣  
故說世體生以一刹那行生時即是未來世  
生故有因緣故說世中生未來世行有多刹  
那於中惟一刹那生故問諸有為法未來生  
時為自性生為他性生設亦何失二俱有過

所以者何若自性生者云何非本無自性今有  
自性本無實物今有實物若他性生者云何  
不捨自性成無性相荅應作是說非自性生  
亦非他性生然於自性有如是法生已而滅  
問若法是色性彼法是過去性耶荅應作四  
句有法是色性非過去性謂未來現在色性  
有法是過去性非色性謂過去四蘊性有法  
是色性亦過去性謂過去色性有法非色性  
亦非過去性謂未來現在四蘊性及無為性  
如以色性對過去性有四句以色性對未來  
現在性亦各有四句如色蘊對三世有三四  
句受想行識蘊對三世亦尔如是便有十五

四句問若法是色性彼法是方處性耶答若  
法是方處性彼定是色性有法是色性非方  
處性謂過去未來色及現在極微無表色性  
問若法受性彼法非方處性耶答若法受  
受性彼定非方處性有法非方處性而非是  
受性謂想行識蘊及極微無表色無爲性如  
受蘊想乃至識蘊應知亦尔

問若法是色彼法有變礙耶答若法有變礙  
彼定是色有法是色而無變礙謂過去未來  
色及現在極微無表色問若法受彼法能  
領納耶答若法能領納彼定是受有法是受  
非能領納謂過去未來受問若法是想彼法

能取像耶答若法能取相彼定是想有法是  
想非能取相謂過去未來想問若法是行彼  
法能造作耶答若法能造作彼定是行有法  
是行非能造作謂過去未來行問若法是識  
彼法能了別耶答若法能了別彼定是識有  
法是識非能了別謂過去未來識

問未來諸法有出無入過去諸法有入無出  
如何未來不施設滅如何過去不施設增尊  
者世友作如是說爲已計數而言未來不施  
設滅復言過去不施設增耶旣未計數如何  
可言不可施設未來有滅過去有增然過去  
未來法無邊量故不可施設有增有減如大



海水無量無邊取百千瓶不知其減投百千  
瓶不知其增復作是說未來諸法未已起未  
已滅故不施設滅過去諸法已起已滅故不  
施設增復作是說未來諸法未已起已壞故  
不施設滅過去諸法已起已壞故不施設增  
復作是說未來諸法未已起已離故不施設  
滅過去諸法已起已離故不施設增如起對  
滅壞離以生對滅壞離廣說亦余大德說曰  
若有礙物流行世者可言施設有滅有增然  
有爲法緣合故生生已即滅如何施設過去  
有增未來有滅脇尊者曰過去未來法無作  
用如何施設有增有滅

問過去未來爲有積聚如現在世牆壁等物  
爲無積聚各離散耶設亦何失二俱有過所  
以者何若有積聚如現在世牆壁等者云何  
施主造所捨物功不唐捐云何去來非有方  
所云何壁等不皆是常云何去來非可現見  
若無積聚各離散者云何可說有過去事如  
契經說過去有王名大善見都香茅城居善  
法殿如是等事無量無邊云何可說有未來  
事如契經說未來有佛号慈氏尊亦時有王  
名曰壤佉所都大城名雞覩末如是等事無  
量無邊云何宿住隨念智觀過去事死生智  
觀未來事妙願智觀過去未來事未來諸法

來集現在時如何聚物非本無今有現在諸  
法散往過去時如何聚物非有已還無有作  
是說過去未來亦有積聚如現在世牆壁等  
物問若尔善通後所設難前所設難當云何  
通且諸施主造所捨物所設功力寧不唐捐  
答為現見故謂未造時物雖已有而未現見  
施主造已方可現見故不唐捐云何去來非  
有方所答許有方所復有何過云何壁等不  
皆是常答刹那無常與彼合故云何去來非  
可現見答彼非現在五識境故非可現見要  
與現在五識為境方可現見評曰過去未來  
非有積聚如現在物但各離散問若尔善通

前所設難後所設難當云何通且云何說有  
過去事答如曾現在說亦無失云何可說有  
未來事答如當現在說亦無失云何宿任隨  
念智等觀察過去未來事耶答如曾所更如  
當所受而觀過去未來世事此有何過而不  
能通復有說者如呼諸字次第相續引生名  
句顯所說義雖彼諸字不可積集而能引生  
名句顯義如是過去未來世法雖無積聚而  
能生智隨其所應知所知境復有說者以現  
在事類觀去來猶如農夫以現稼穡類知前  
後未來諸法來集現在時如何聚物非本無  
今有現在諸法散往過去時如何聚物非有

已還無荅三世諸法因性果性隨其所應次第安立體實恒有無增無減但依作用說有說無諸積聚事依實有物假施設有時有時無如是此宗許有無義有何過難而不能通分位有無是所許故

說一切有部發智大毗婆沙論卷第七十六 廉

捕音步翳音一計反鴝音上鷓音下留音首猫音上狸音反苗音又莫音之

反莫班驕音下傲音吾隴音上盧音亦作音口反音反感音倉曆音反

蹈音盜香茅音下交音反壤音莫佉音上向音反稼音上穡音下色音反

